

寐夙興安常叨於磐石咸仰無私之照均蒙
至治之仁稽首皈依虔誠讚詠

奉祝融輔交真官

仰崇炎帝赫赫厥靈維燧命祖福我斯民
監臨不遠警戒昭明惟善是修惟惡是懲
齋心以祀普錫安榮威靈所主莫敢不承
志心皈命願保康寧

衆諷神呪

南方丹天赤靈所專威光烈焰施化不偏
火龍一飛照耀無邊大馬一躍萬里盤旋
火鷹一迅鼓翼無前火鈴一撼洪音遠宣
火瓢一發到處生煙火劍一下諸魔伏虔
火索一舉百邪自纏火旗一展號令肅然
火節遙指孰敢當權威德及物長養生全
迓今返正炎災灼天鑑善不遺削罪除愆

祝燈偈

昔奉天尊教 稟令守炎方 今奉天尊教
聞善降吉祥 家有天尊呪 火部不為殃
家有天尊呪 火勢息威光 家有天尊呪
火怪自潛藏 家有天尊呪 諸魔自滅亡

家有天尊呪 災厄自消穰 家有天尊呪
財物得阜昌 家有天尊呪 宅舍得安康

輿經 宣疏

伏以曲突徙薪敢昧格言之訓負荆請罪必
從至禱之誠炎燧收煙人民按堵向來祝燈
功德無限良因敬用回向上奉

南方火德榮感執法真君丹天火部一切神

仙諸靈官衆仗此燈功普伸回奉伏願

錫之純嘏享于克誠回祿除殃永免焦頭而

爛額畢方消孽常臻列屋以安居焚燼之災

不侵康寧之福畢至四民樂業萬物蒙休為

上因緣志心稱念

南丹紀壽天尊

消災解厄天尊功德無量不可思議

離明瑞象燈儀

二燈儀同卷

黃籙九陽梵炁燈儀

黃籙九厄燈儀

黃籙九陽梵炁燈儀

法事如式 啓白

焚香供養

太乙救苦天尊九天生神上帝九陽梵炁天
君九州社令神君九幽地獄冥官冥府考治

一切聖衆

伏以混元本始藏三炁於太初神景含輝布
九光於霄極大塊既判元始開圖神寶惠靈

炁分羅絡恩流下土法出度人是以金籙垂
科雲編闡教紫微玉室光明空洞之中東極

碧霞變化始青之上本形有象煥爛八方文
彩垂芒廣長一丈秘九重之金格權七寶之

籌林妙炁結成靈風鼓奏壇司得請詳接引
以宣行幽爽業休獲開明而度化今齋官共

人披心大梵稽首太玄願賜九色之陽光照

破重陰之幽獄伏願萬仙翊衛六丁前驅分
善惡之種名回人天而向道周行不殆普度
無窮稽首歸依稱揚功德

舉隨方救苦天尊

謹然東厄神燈布帝真胞命元元一黃演之
炁下照風雷地獄用破飛戈飄戟之難

舉隨方救苦天尊

伏以帝出乎震育歲德以發生物植乎東宅
嶠夷而賓日木司九炁箕主七辰翠羽華林
中有開明之童子碧霞玉闕上對始皇之老
人今有齋官某人拔度亡過某人形魂往昇
天界然點神燈施鬱單无量天生神寶章

衆和宣章一黃演之炁

混合空洞炁 飛爽浮幽寥 延康無期劫
渺渺離本條 苦魂沉九夜 乘晨希陽翹
大有通玄戶 鬱單降晨宵 黃雲凝靈府
陰陽悉象交 胞元結長命 惡根應化消
桃康合精延 二帝秀玉飄 灌溉胞命門
精鍊神不凋 九天命靈章 生神神自超
元君過死戶 司馬誦洞誥 一唱萬真和

九過諸天朝 稽首恭劫年 慶此榮舊雷
伏願象輪布化龍領垂光遊行三界之中下
救萬生之罪普令悟道俱入大乘得道之後
昇入無形

謹然東南厄神燈布帝真胞命元洞冥紫戶

之炁下照銅柱地獄用破身體焦爛之難

舉隨方救苦天尊

伏以陽出東南象重明之烜赫巽乎中正言
萬物之潔齊處江海之不爭鼓風雷之相搏
在元福用賢之界有好生度命之尊今有齋
官某人拔度亡過某人形魂往昇陽界然點
神燈施上上禪善無量壽天生神寶章

衆和宣章二紫戶之炁

無量結紫戶 炁尊天中王 開度飛玄爽
凝化輪空洞 故根離昔愛 緣本思舊宗
幽夜淪遐劫 對盡大運通 帝真始明精
號曰字元陽 嬰兒史伯原 結胎守黃房
斬根斷死戶 熙願養嬰童 禪善導靈炁
玄噴飛天芳 華景秀玉質 精鍊自成容
務玄育上生 羅列備明堂 太虛感靈會

命我生神章 一唱動九玄 二誦天地通
混合自相和 九過成人功 大聖慶元吉
散花禮太空 諸天垂懽悅 一切稽首恭
伏願迴駕傾光隨機變化掃除五苦詣長樂
之清都消殄三塗利具常之妙景普令萬靈
俱入大乘得道之後昇入無形

謹然南厄神燈布帝真魂命元長靈明仙之
炁下照火翳地獄用破吞火食炭之難

舉隨方救苦天尊

伏以三炁天中赤帝號丹靈之老重陽宮內
玉眸鍊流火之庭當萬物相見之時保億劫
無窮之運尋聲赴感應念分輝今有齋官某
人拔度亡過某人形魂上生天界然點神燈
施梵監須延天生神寶章

衆和宣章三明仙之炁

須延總三雲 玄元始炁分 落落大梵布
華景翠玉尊 明覺飛玄景 開度長夜魂
遊夷赴期歸 炁炁返固根 大帝號陽堂
字曰八靈君 九關回祿道 胎炁生上元
陵梵度命籍 太一輔精延 泥丸敷帝席

三部八景分 魂生攝遊燕 九轉自成仙
 琅琅九天音 玉童生萬神 三遍列正位
 燕參八辰門 玄關過死戶 靈鎮津液源
 應會感靈數 明道潛回輪 慶此嬰兒吮
 稽首讚洞文

伏願億曾受度鍊以玉膏九族同昇賜之金
 液北府滅大魔之試南河制洪水之災得道
 之後昇入無形

謹然西南厄神燈布帝真冕命元陽尸冥演
 由之燕下照屠割地獄用破倒懸割體之難

舉隨方救苦天尊

伏以坤輿載物未申居地勢之中梵燕流罡
 參井處星羅之右廣運太靈之德高臨仁靜
 之鄉萬寶裝嚴百靈咸伏今齋官某人拔度
 亡過某人形魂往昇陽界然點神燈施寂然
 梵術天生神寶章

衆和宜章四演由之燕

寂然無色宗 梵術抗大羅 靈化四景分
 萬條翠朱遊 遊魄不顧反 一逝洞群魔
 神公攝遊燕 飄飄練素華 榮秀椿劫期

乘運應靈圖 空洞生神章 靈音逸九霞
 一唱萬具會 審爽合成家 九轉景靈備
 鬱鬱耀玉葩 梵術開大有 一慶享祚多
 上聖回帝駕 嬰兒歛以歌 不勝良辰會
 一切稽首和

伏願億萬分輝百千應號校九府死生之錄
 開八方罪福之門至賤至微普登道岸無窮
 無極悉轉法輪得道之後昇入無形

謹然西厄神燈布帝真臟腑命元五仙中靈
 之燕下照金剛地獄用破金鏈鐵杖之難

舉隨方救苦天尊

伏以金靈黃老空青鳴茶字之林玉國西那
 鬱刺峙浮羅之獄八威煥爛七燕魚星分
 太白之精治在少陰之境今齋官某人拔度
 亡過某人形魂上昇天界然點神燈施破羅
 尼窠不驕樂天生神寶章

衆和宜章五中靈之燕

翻翻玉帝駕 飄飄玄上門 遊步黃華野
 回靈驕樂端 採集飛空景 舊爽多不存
 太微回黃旗 無爽命靈椿 攝召長夜府

開度受生鬼 公子輔黃寧 總錄具形神
 玉童洞幽靈 五轉天地分 燕鍊元藏府
 紫戶自生仙 數周眾具會 啓陽應感繁
 玉女灌五香 聖母慶萬年 三界並懽悅
 稽首禮天尊

伏願衆聖臨軒諸天降駕九幽開夜霧林成
 返於舊條十轉迴靈福舍更生於來運凡居
 道界俱入法門得道之後昇入無形

謹然西北厄神燈布帝真靈府命元高真冲
 融之燕下照火車地獄用破兵刃火輪之難

舉隨方救苦天尊

伏以法輪十轉帝闕九重天專穿窬變化精
 於三變乾元剛健應君德於六爻居四九之
 稱尊位重陽之極數不言而應有感必通今
 齋官某人拔度亡過某人形魂往昇天界然
 點神燈施洞元化應聲天生神寶章

衆和宜章六冲融之燕

應聲無色界 霄映冠十方 回化輪無影
 冥期趣道場 靈駕不待轡 朗然生神章
 空洞諒無崖 玄爽亦爲疆 鍊胎返本初

長乘飛玄梁 斷畜喪天真 散思候復常
斬伐胞樹滯 心遊超上原 願會既玄玄
悟我理兼忘 介福九天端 交禮地夜良
混化歸元一 高結元始王 稽首倚靈運
長謝萬塵張

伏願種民立品梵行開光燒香散花同來專
所執符把籙齊到帝前絕六趣之惡根與五
門之善念得道之後昇入無形
謹然北厄神燈布帝真元府命元高仙洞笈
之炁下照溟泠地獄用破寒地楚毒之難

舉隨方救苦天尊

伏以元冥五炁坎為天一之精黑帝雙星壁
總太微之境四時成歲萬物所歸玉隴神丘
湛真常之返照青裙羽襦疑妙寂以裝嚴今
齋官某人拔度亡過某人形魂往生天界然
點神燈施靈化梵輔天生神寶章
東和宣章七洞笈之炁

真仙森列序 上上霄衢邀 洞元深萬巨
秀葉翳翠霞 停陰清冷渚 遠詭怡五神
繁想嘯明侶 五難緣理去 沖心自怡處
爽魂隨本根 暨暨空中佇 七誦重關開
豁滯飛神武 運通由中發 高唱稽首舉

伏願慈因水劫惠及有生定水清泠制萬靈
於鬱絕鑊天豁落東六鬼於羅鄴道德興隆
天人欣慶得道之後昇入無形
謹然東北厄神燈布帝真華府命元真靈化
凝之炁下照鑊湯地獄用破鐵叉焚漬之難

舉隨方救苦天尊

伏以旋斗歷箕羊角出扶搖之炁九和十合
碧霞分羅絡之天爰居長樂之福堂下有朔
陰之幽獄歲之自始物所成終今齋官某人
拔度亡過某人形魂上昇陽界然點神燈施
高虛清明天生神寶章
東和宣章八化疑之炁

九玄離幽裔 感爽無疑滯 去留如解帶
明識生神章 高遊無中敗 玄景曜雲衢
跡超神方外 應感無方圓 聊以運四大
研心稽首誦 眾聖共稱快
伏願天寶金書混元祖炁開光龍漢照燭重
陰亡魂克遂於飛仙枯骨更生於人道得道
之後昇入無形

謹然中央厄神燈布帝真嶽府命元自然玄
照之炁下照普掠地獄用破刀山劍樹之難
舉隨方救苦天尊

舉隨方救苦天尊

伏以至聖至真三境出大雁之上無形無影
八方朝七寶之宮統皇上之天元鎮中央之
地紀威光翼真神德巍巍今齋官某人拔度
亡過某人形魂往生昇陽界然點神燈施無想
無結無愛天生神寶章
東和宣章九玄照之炁

靈感洞太虛 飛步霄上冰 津趣鼓萬流
潛疑真神登 無愛因無憂 高觀稽首升
伏願元為大道上帝高真居慈悲善巧之門
現微妙光明之相一身受福得為金闕之臣
九族同仙俱入玉虛之會得道之後昇入無
形

諷經 向來 回向

黃籙九陽梵炁燈儀終

黃籙九厄燈儀

法事如式 啓白

焚香供養

三清道主四帝天真十方救苦天尊得道聖
衆九州社令神君九幽地獄冥官三界職司
主執真宰伏願啓運慈悲證明祈叩奉為齋
官某人依按明科然點九厄神燈上照三境
諸天福堂之內明徹光景輝映十方中照中
宮神州境域妖惡滲消凶災殄滅下照九疊
重陰諸大地獄之中陽光所到罪苦咸原勝
利所資存亡獲福敢憑大眾同為讚揚

舉隨方救苦天尊

東方燈照震宮卯位上通青華元陽之門洞
清之炁暉映青靈始老蒼帝九炁天君華林
境界靜景真人無極之國惠靜裝嚴中照三
宮青州分野消蕩凶災掃除氛穢下照風雷
地獄用破飛戈飄戟之難
東南方燈照巽宮辰巳之位上通始陽生炁
之門梵行之炁暉映梵炁天君碧霞境界真
安真人無極之國妙寂裝嚴中照四宮徐州

分野獨消邪惡驅逐凶災下照銅柱地獄用
破身體焦爛之難

南方燈照離宮午位上通洞陽太光之門洞
陽之炁暉映丹靈真老赤帝三炁天君丹天
境界赤明真人無極之國端化裝嚴中照九
宮揚州分野消除災異掃蕩妖氛下照火醫
地獄用破吞火食炭之難

西南方燈照坤宮申未之位上通元皇高神
之門梵陽之炁暉映梵炁天君耀真境界瓊
光真人無極之國善救裝嚴中照二宮荊州
分野勅攝凶邪屏除疫癘下照屠割地獄用
破倒懸割體之難

西方燈照兌宮酉位上通陰靈金闕之門少
陰之炁暉映皓靈素老白帝七炁天君金光
境界法寶真人無極之國利益裝嚴中照七
宮梁州分野掃除氛穢蕩滌凶災下照金剛
地獄用破金鏈鐵杖之難
西北方燈照乾宮戌亥之位上通九陽梵行
之門梵元之炁暉映梵炁天君妙道境界濟
苦真人無極之國真仙裝嚴中照六宮雍州